

詩

存

詩存卷三

仁和金德瑛續撰

蓬萊閣觀海

丹崖如虎踞毒龍不敢吞傑閣翼以冠如鳳凌風
騫五城十二樓焉用誇崑崙但見潮與汐浩浩奔
流渾近岸轉澄綠石華散蘋蘊令人愛而狎鑑影
清心魂世間惟陽鳥至大莫與尊東瀛幾萬里只
作洗頭盆枝枝紛島嶼面面通水門俯之列几案
繚去如籬樊神仙信有諸招手試言言離人立於

獨窟宅徒孤村爾居有宮觀此地亦樓軒爾或厭
聞寂駭鹿翔鷓鴣達人解易地兩情應平反得意
適所適妄羨生煩寃岸幘一長嘯驚起蛟鼉龜蝮
然風濤變乃向閣前翻

泛舟至彈子渦

今日風色好天霽人亦和澄瀾舒淨綠激石微生
波悠然狎滄渤一恣蒲帆過徐徐涉數里漸到珠
璣渦翠屏矗十仞圓卵散萬螺陰火出鑪鎔鬼手
潛揉搓龍宮所唾棄塵界猶婆娑煮之果有方餐

之比嘉禾使入文字腹撐拄添斗科仙人暗揶揄
延被鮑靚譌不如携衫袖戲擲丹砂多

海市

蒼茫一氣九州同海市何偏見海東值我有求神
弗應令人不敢信蘇公

海陽鞠

湖嶺鞠

兄弟遠送至黃縣呈詩二

首次韻勵之

霜華初降歷征塵憐爾勤來涉遠津自昔登高呼
最遠莫言伏蟄氣難春江楓人欲知名字原州詩

堪敵桂薪歸共三間文史足扶桑曉色到門新
蟲魚細碎落言詮誰耐深思證古賢指授柳門終
有法紆餘韓解亦稱妍慎文筆紆暢與湖齡異調東牟秀擷三
秋盡海市唵成五日傳欲與麻姑留後約重看清
淺是何年

題沈椒園觀察勞山吟眺圖

法坤厚畫

大勞小勞肩隨高七真遯跡今未遙仙家悶怯不
好事搜竒洩異須吾曹芒屨無緣徑路絕恰藉按
部窮崑均金剛崩劣玉女睇鳳凰翔翥獅虎虓崇

巖窟穴明復晦倒根插濯粘天濤隨車吮墨大弟
子予吟汝繪爭為豪蒼華擲沐近照曜醜神知覺
潛沉逃惡風弱水屬荒誕歸帶烟霧衣巾飄文人
眼大山海渺收納卷軸銖釐毫從君颯縷細指數
舊嘯秦岱不如勞我雖足阻神已到讀詩見畫忘
蕭騷

題鄭板橋贈蘭竹畫

畫蘭不多三五莖畫竹不多三五幹紙寬墨潤腕
力餘更添古石三五片微香馥馥清影搖滿堂觀

者增欣羨齊東有竹却少蘭玉版尊師唯悟半板
橋家法所南翁心花無根舒爛漫平生妙墨嬾收
拾偶欲追尋從友燕胸中事即對人言與弟家書
刊共看嗔顛字怪劇游嬉巨耐折腰趨下縣西范
東灘十載寬自憐天鑒超憂患同心知我稱石交
為拂古瓦攄柔翰別久爭訝鬢霜盈逢稀似類優
曇現徑題長句畫中間如使兩人長對面

十月初八日宿灘縣板橋答詩過譽復惠畫
二幅因次來韻

白狼著霜流愈清陰雲釀雪如有情未須見畫畫
意得開緘妙態修而橫詩書拄腹終何以游戲博
奕賢于已爾我一笑共杼機兔起鶻落烏能止偶
然側簷吟幾行敢言斗石與古量只容一宿毋多

戀且向官齋看硬黃

板橋署中出示
碑版數十種

板橋分贈古鏡五奩疊韻謝之

寒潭秋月涵空清搜露毛骨酷無情良工何名鑄
何代篆文獸象徒縱橫等閒長物無所以照胆照
妖姝可已藉將鑑戒白頭心漏盡鐘鳴庶行止

朝分贈拆聯行如人聚散難付量君言有故官當
罷不須更照眉間黃

板橋頃以事干部議有去志矣

正月十四日暮偕同人泛舟歷下亭同限下

字

官衙逼湖滑美景許憑藉但移一葉舟莫躡雙不
借春風綠始波意愜冰俱化灣環縱所如延緣傍
漁舍每惜葭蘆長界畫舟通罅枯莖澀未抽碧浪
平可瀉中央古亭浮四面朱闌亞題咏前賢留光
燄後輩怕唐宗渺東巡

上聖方駐駕杜叟倘逢今應倍集賢價腰鼓街童
頑簪花游女吒許爾共悠颺相戒無驅嚇陽和動
物情適興須寬暇諸君多遠志秋期一戰霸難得
白紵歌同聽風露下久坐共邈然冰輪方照夜

復游北極閣同用北字

大明湖浸城北隅臺門更峙湖之北近掠滄波遠
攬山萬戶鱗比烟一色殘陽將墮月將升坐覺蒼
茫興無極上探丹碧元帝宮明藩建立碑未泐祀
禱春初泯庶閑門前不絕橫柯杙盤桓古柏閱多

詩存

卷三

五

年膠幹陰森氣深墨鴉返人稀我始來市茶鑪火
猶羅側湖南官舍鬱相望對面何殊引繩直只因
盈盈一水分遂覺渺渺俱難即眼界生新意亦移
物理參同忘畛域

趵突泉同限激字

江淮河瀆尊侯秩伏濟涓涓疑不敵蜿蜒千里閱
清雄湧出名泉高九錫歷山脉縷嵌空靈地面只
如浮水鷁偶逢漏洩迸珠璣奔竅爭門自推激似
神而非雲屬連如花而空光的皦餘泉邾莒傍齊

晉蟹眼魚眼爭浙瀝衆賓愛翫目不移終日聲喧
境逾寂仙翁祠在訂盟言秋月平橋更橫笛

秋日游千佛山

岱脉從東來歷山掉其尾宛宛幾枝分蒼蒼一屏
止紺宇著翠微粲若列眉齒敲橫隨磴級戶牖相
表裏陰谷迷曦輪暗泉冽地沈微聞乳滴音沁人
如變徵古佛身入定骨冷呼不起磨崖競功德鑿
翠成瘡痕軒然啟窗櫺野氣連城市斷續見鵲華
參差羅黛紫偕游得三人出郭剛五里涼颼動草

樹結實垂梨柿倘和昔賢題書之葉為紙

登會波樓

濟南北門城樓下為水門樓正對華不注鵲山之間

南山千疊屏北山數點漚兩山滄翠色齊入空中
樓北門慎管鑰雉堞青州稠時待謫仙人縹眇來
遨遊一城如仰盂半作葭菼秋湖泉瀉暗竇丁字
東西流野闢方罫整盈盈灌稻疇田間驅鳥雀日
暮聲相酬觀茲婦孺樂彌覺登臨悠莫問齊晉事
嘻笑生戈矛願逢秦越人起衰筋力道

鵲山以扁鵲鍊藥得名

青冥借羽翼高舉凌浮邱

古鏡一枚血皴成僧披袈裟坐石像名曰達
摩影

片葦隻履自往來十二時偈空疑猜血皴神凝異
為哉墮地七步人天敬恆星夜伏清如鏡孫訶飼
犬祖心映呼負局翁磨拭淨嵩顏花滅五葉靜當
前一語廓無聖

題沈孟公西谿高隱圖

叔園之兄圖
亦法坤厚筆

士生名累花亦然尋梅競樣孤山船林深地僻花
始好况有修竹同娟娟已開未開三五樹倚崑臨

水無定處小著茅齋一卷書內景黃庭心自悟忽
教遊屐點齊烟法生法生爾為傳連牀風雨話不
盡兄今隱矣弟何年

九月十三日遊錦屏山

一名禹登山上有
龍洞為祈雨處

神工巧不藏翠壁如初刻迨濼擁列陁高圓覆重
甌線縷直以泐根垠卧而匾中屏突地肺孤瘦嚇
人眼膏液暗粘綴鼓危累棋卵分天一痕青過雲
半截短大禹昔云登龍公據為館秉炬探穴深頽
沙隨漏卷乳浮片片菌佛衣去聲絲絲繭石紋橫微
黃所鑿佛

宛如衣繭非
目擊不知也
偃僂賴興豪清寒催客返時為甘露
求澄泓借一盃院自元豐初崖書大乘演山幽遊
者稀考古思同伴

佛峪

兩水交山前一源來佛峪颯颯野風秋吹客疑相
速斯須溪迴轉接葉丹黃覆飄雲崑頭垂讓路崑
脚縮其陰結僧宇連延居附麓後山走一龍陡起
中央獨當頂得虛亭對面看飛瀑聲喧口無語四
周惟靜綠聞有好學徒載書留此讀宦遊心自慙

暫到詎可復

錦屏山歸途戲語心餘

其出如泉波如天蓬萊海外詩謫仙山行水立自
顛倒石牛洞中風格老竒外出竒見豫章峨眉競
秀各一方錦屏山石杓幾摺彷彿谷詩鑊天立摺
如累堵危當中半側不倒欺罡風烏鴉白鴿翩翻
出樹稍崑空

上聲安巢窟

韓公所著山石詩其山何名竟不知山紅澗碧松
樾大尋常崑壑亦遇之匆匆看畫飯麤糲暮而宿

今朝而辭豈其泰山北斗筆不暇刻畫窮幽姿故
知凌空發意趣氣挾凡境皆瓌竒紛紛苦學鮑謝
體刻舟求劍將毋癡

訂椒園同遊龍洞山先因雨阻又聞屬邑海
災不日旋駕以詩戲東

不為誠求捷若神牆東屐響斷征輪已無極覽窮
探興尚有飛書走檄人海上魚龍乘伍怒山中猿
鶴怨周塵東方千騎衝泥別難得搖松訂後因

每薄暮泛大明湖悠然往返同心餘拈絕句

四首

官衙逼近大明湖，竟似浮槎水一隅。
日暮小船迎岸泊，問官乘興出門無。

露下携壺歷下亭，歌成白紵月中聽。
冰桃雪藕何人見，鑪火分明望似螢。

一片荷花一片蘆，蘆根花鴨暗相呼。
直待荷殘蘆刈後，鎔銀百頃月如珠。

西邊湖濶東湖窄，衆水歸流向北門。
共有幾家漁父住，會城一半是山村。

張氏漪園率筆

歷城泉水天下無
隨地湧出皆明珠
張家園子分一曲
玲瓏戶牖如冰壺

紅魚白魚數十尾
方池戢戢遊千里
可憐猶有貪餌情
相忘弗及江湖美

新添樓檻俯清濠
稱放漁舟綠玉篙
三人靜坐無所語
只試茶烟一縷高

癸酉十月望武闈對月

楊撫軍因公遠出
余代主試事

翹關重選武闈開
指屋穿錐自將材
不用朱衣頭

暗點高情只看月明來

夜冷人稀屋倍深
霜天鼓角警于砧
此時靜悟孫吳法
第一神機用間心

題王穀原青谿邀笛圖

笛聲何處起
正到酒杯中
可惜清宵月
懷人遠莫同
高吟和律呂
小艇坐玲瓏
昔者曾如此
知音念謝公

恭題

御畫倣蘇軾竹

妙香凝秀色，寫竹即東坡。應是觀音力，飛來自補陀。

恭和

御製題蘇軾偃松圖元韻

真松幾許留千載，著紙離奇偏未改。以人傳松松傳人，如水地中無不在。宣和畫譜竟莫知，更欲燬棄文與詩。

聖人象外尋無倪，枯根重受春風吹。

春帖子詞

詩存

卷三

七

含譽輝

長信農祥兆有年九門歡動處春在慶雲邊

川岳龍興紀發祥禮成追遠熾而昌重經父老謳
歌地聽頌生民第一章

天衢蕊榜署長生又見文章應候明麟鳳頻教遊
壽域離離聲是萬年聲

恭和

御製題王詵漁村小雪圖用蘇軾烟江疊嶂韻

晉卿善寫營邱山著手都成五色烟一卷雪意更

清絕傳世不用生疑然飛雲片片沒崖歛石罅細
細流珠泉岸橫島曲中寬滙垂竿舉網紛平川灘
明沙澀乍清淺一舟舁枕昂其前露脰赤脚未皸
瘃氣候尚是初寒天隔溪耐冷彼何客携琴緩步
尋幽妍平沙雁落意中調清氣彷彿浮心田彼漁
與爾殊勞逸樂趣自足能忘年汴都畫格尚純古
弗逞姿媚誇便娟冥搜極想會象外興到莫放筆
頭眠同時幾輩互傳翫乃闕題詠峨眉仙良朋唱
和尚有數

聖主遇合寧無緣借蘇險韻開生面筆力往復餘
千篇

題方宜田制府貯蘭圖小照

一花一幹香有餘蘭生獨與品類殊藝蘭九畹蕙
百畝苟同臭味斯多取江南二月微光風幽巖自
吐三兩叢采之佩之配書卷沁入肺腑馨香融公
今擁燾百城式豈比閑情賞顏色定當廣貯香草
儔枝葉峻茂充王國君子居心善善長耰耨艾薙
恐多傷即因愛尚示風勵可化蕭艾為芬芳陰功

為政昌厥後國美亦足徵家祥試看修竹碧梧畔
蟠根舒蕊相扶將

題吳寧伯先生遺照

梁溪有高顧人倫之規矩同鄉被其風志節咸振

舉我友二吳間

曾孫翁余同年進士昂孝
廉舉經學今官翰林學士

數典追

厥祖始知先澤長專於經義取精微默貫穿雜說

芟繁臙一從滄桑移遂作湖山主烟雲列書畫彞

器藏尊緘二三世外交談心相爾汝情親貌自真

境逸神猶栩或稱伯鸞徒或擬雲林侶宜刊文範

碑第二泉邊樹

天津查

禮

官慶遠同知重修龍溪黃文節公

祠徵詩

石牛晚作宜州夢筆力方圓規矩中墨花瀉入龍
溪湍溪光潑眼如流汞隨機幻化心自恬平生解
脫付翠巖彭城已餓陳無已嶺北又喪蘇子瞻歸
然一老烟瘴在毋乃俗士猶憎嫌獠蠻尚解崇名
誼歎訝哲人投畀是足音劉漳日夕過慰藉能全
身後事白頭懷橘永無期元明知命爾何之公心

戚戚獨傷悲寧有魂魄甘留斯芟別荆棘輝梁楣
鉤黨已矣無是非鬼門關外莫言遠四海一家如
公詩

恭題

御臨錢選觀鵞圖

春水澹蕩浮雙鵞倒影亭榭臨素波夷猶愛翫者
誰子風度瀟洒疑永和

御墨點染標天趣猶嫌舊本丹粉污便作羣鴻戲
海看只許籠來莫籠去

恭題

御臨唐寅事茗圖

高士傳遺風吳俗樂門茗往往竹泉間
鑪烟侵鬢影好友把琴來不俟主人請
偶然

造化筆圖此清靜境松風遶軒楹能令
心神醒建溪與草芽邪正賴分訂匪直閒
暇中消遣白晝永
寅也畫雖工誰與發深省

恭和

御製大寧城覽古元韻

迤邐徐鋪一掌青
泉甘草沃好居
停從來尾大難
為掉形勢偏封燕與寧

版築何年始發凡
而今廢甃落青嶼
欲知柔遠惟
明德馭朽殷勤戒服駸

開創君明將亦英
經營遠比受降城
輔車唇齒重
鍵閉烽火何由達上京

棄衛資胡害日深
安能縱去後還擒
只憑內界邊
牆固徐戚區區苦用心

恭和

御製題大寧塔元韻

大寧城郭了不存，獨有古塔峙秋原。
想昔親藩殷富日，定餘紺宇布金園。
明朝中外疆域異，四郊增壘多兵氣。
虜騎潛伺斥堠空，望塵測敵談何易。
藉茲覘眺祕莫知，琉璃寶界二六時。
戰場內著功德相，慈悲動念應嗟咨。
後來撤衛勢漸消，不庭不貢邊園搖。
塔反界胡為守望，南拍關門路不遙。
試尋梯級頂可陟，蕩蕩虛空生羽翼。
海上雲成五色祥，知有

真人起東北堅牢永免築登登舍利光函在幾層
如來似為救世出欲將宿命問南能佛圖澄去幾
千秋風鈴有語不能留侍臣鞭影隨遨遊時清耕
牧無所愁但志道理當亭郵

恭和

御製板升元韻

陰寒朔漠霜雪雨曠野無壁天為宇牛毛織罽形
穹窿燎羊燔鹿羣安處樛枝古石深山多可陶可
削就巖阿室居有暇習耕作秋至齊收繫繫禾明

詩存

卷三

六

時民貧塞外徙始解築室而疆理朝廷有道善撫
綏曷分內外咸吾子猛將絕少常開平中樞難得
馬文升反假流民為首虜冒支功賞餽驕兵民遂
驅為間諜用嚴關安得丸泥封倒持太阿授人柄
久久沿邊患深重茲來秋月當豐年戶牖下瞰葱
蔥田亦可持耒亦屬韃韃耦居食力無中邊并包不
冒

皇仁宣板升嵩呼萬口傳

恭和

御製蔣溥進所作塞外雜詠依韻和之元韻十二

首

檀廬

瓦屋安居樂有那，詎堪輕載付明駝。
空原突兀千間立，精舍平量十笏多。
香篆氤氳縈素壁，疎籬想像映垂蘿。
誰家婦子熙熙者，轉徙長年鮮定窩。

駝裝

匈奴畜產誌封駝，重負憐渠力獨多。
屈曲蹄能親淺草，昂藏影欲掩高坡。
一行徐聽風鈴引，廣陌遙

詩存

卷三

七

看腫背過猶憶木蘭歌曲好燕山黑水不曾蹉

馬絆

駿足何當四極馳故防奔逸出新思周官著令須
網惡晉士從行亦負羈舉後任前憐不于長風落
日望岡陂繫維解放均資用爾果為良應感知

風竿

遠露竿旗自颭搖卷舒縹眇指重霄主人具眼應
先識客子無情莫漫招夢落江湖檣影亂地非村
市酒帘標晚烟乍起迷踪跡又挂明燈引暗宵

雨溝

忽漫同雲雨打頭漏痕真益旅人愁小援疏水河
渠例戲比催詩丈八溝但使一圍如帶繞不妨四
面作泉流携來畚鍤疑無用今日方知未事繆

設卡

絡野連山一片雲繩聯縷折杜囂氛馬牛舊誓人
知警雞犬新豐路自分不入國容司馬法豈同兒
戲棘門軍周廬設禁尤清肅掌衛官稱光祿勳

地竈

詩存

卷三

六

不煩施突惟通穴掘地忖量幾淺深野外寧聞老
婦祭風前且熱檜人鬻侵晨徙帳空留燼昨夜供
炊半已黔簡朴未詳何日始想從營窟到于今

安市

遷集知從孰處來熙攘主客互喧~~喧~~征夫頗有凌
朝至列肆疑當昨暮開多寡但求供旅處廢居何
必具竒材孳孳苦為蠅頭利日逐前郵不肯回

征衣

瓊珮由来弗利趨急裝端合在征途揮肱詎用誇

長袖蔽膝無容儘下軀寄遠殷勤縫永夜據鞍輕
驟試平蕪濛濛零雨霏霏雪添配油痕表裏俱

銅畧

差恐毫釐審厥初一針功用自優如授時兼可明
方位制器真堪代著書大造恢閑雖莫測掌中握
要已無餘良工別具師承巧斂手何人敢智予

頌鹿

深山圍合獲多羣弧矢

天威一旦申乍許割鮮充旅食還將鼓瑟詠詩人

詩存

卷三

十九

薰墮爭夢徒虛語烹炙隨方任四隣儉腹書生堪
一笑園蔬踏破或遭嗔

和詩

每日流傳

御製詩風前燈下細吟披醯雞妄測天之大小鷄

寧言鳳可追續草漆禽騷雅備揚風竄典孔周知

虔祈有表難援免

宋太宗險韻詩臣下難於和有具表求免者王禹偁句云恨無

才應付空

有表虔祈多和徘徊自獻媿

宋仁宗詩以徘徊為韻羣臣和者盡雷同

時致優人之誚

恭和

御製柳條邊元韻

本朝與蒙古諸屬國分界處以柳編籬內外相望而無侵犯

者連延千里

金湯設險資山海往往其間分內外備胡三策費
經營盛世猶嫌甲兵億我

朝制馭利最多時巡秋獮來經過諸蕃一視皆臣
子彼此相狎無云何邊人蕃人似鄰里貿易熙攘
利倍蓰

乾坤度量不冑之雀鼠爭嫌亦微矣行依柳色東

復東鹿眼疎籬面面通外邊策逐裏邊見歡笑和
答將母同豐亨悅豫占年有

天子有道四夷守古來辛苦築長城何如植此柔
枝柳

恭和

御製採珠行元韻

在吉林
山中

異物自秘如隱淪時當

盛明方效珍疑有驪龍抱之卧光媚夜耀東西村
鮫人蛋戶供職役凌波蹈險非所論茲當

萬乘親臨采魚目遠遁留其真中秋節屆桂魄滿
上下相映爭鮮新老蚌潛居恃得計閉房噤口深
緘脣一朝獲臂探幽底剖剔磊落流盟銀呈能獻
技務多取敢惜手足皮膚皴

帝曰汝寒賜汝酒勝如挾纊忘勞辛留餘不盡毋
竭澤藏珠于淵司以神

恭和

御製窩集行元韻

古木連二三十里不斷遮蔽天

日國語謂之窩集平時封禁唯
官採參者結侶而入或迷不可出今逢
聖駕巡幸圍場經由吉林將軍預將大樹刊開

詩存

卷三

三

二丈餘以為路樹根在地
不平即以樹截板鋪其上

連延循山東有險少平陸忽然氣陰翳丁丁響啄
木猿猴麋鹿呼嘯頻老幹膠枝子復孫輪囷峇曲
各異態秦槐漢柏遙同羣行人聯轡到谷口前者
遮前後掩後日光瑣碎罅隙間縱橫布影龍蛇走
流黃飛翠儼丹青疑楓疑櫟不可名紫絲步障數
十里目擊天然信有徵尋顛沿麓迷處處恍惚仙
人來嘯樹輦路中開二丈餘歛爾青天豁雲霧良
材輕費賤若此長途截板鋪鱗比蹄聲得得馬生

風已是摧殘億萬幾
徑路幽闕增怪竒
窩集未必皆天為
倘供架構樵蘇用
安得長養恒于斯
幾灣流水渡淺清
藪藪猶傳亂葉聲
回頭依舊蒙蒙在
可記身從此內行

恭和

御製霜元韻

應候霜初降
蕭然絕點塵
丹林如早沐
青女一何神
雁齒橋痕滑
磬頭山態新
微茫連水氣
仔細認前津

恭和

御製輝發故城懷古元韻

昔輝發貝勒拜音達心持兩端及葉赫之間屢

背姻盟

因山築城凡三層

我

太祖一舉平之

蕞爾憑河欲逞雄

興王赫濯起于東姻鄰忍倍誰貽感誅討當加

帝省躬廢壘青青無伏莽

英風烈烈想從戎鯨鯢徒為驅除設有道

天方啓

聖衷

恭和

御製鄂博元韻

蒙古不建祠廟山川神示著靈應者累石象山家懸帛以致禱報賽

則植木為表謂之鄂博過者無敢犯

陰陰古木石磷磷霧雨空山有鬼神不辨方員成
壇位嬾將儀節問巫人雲車風馬靈安在飛鵲啼
鳥意似申誠朴也能通感應迎寒逆暑略同豳

恭和

御製兒版元韻

蒙古兒生在襁褓中令卧版上章束其兩肩倚籬廬壁間啼則搖之

徒居則懸之駝裝之後

保赤心同豈勿憐
韋條束版聳雙肩
搖時任爾如箕簸
倚處看來作鷺拳
衣襟幾曾誇錦繡
醉盃那得借金錢
日隨馬足奔馳疾
差喜提携免倒懸

恭和

御製威呼元韻

吉林人剝木為舟大者僅容五六人剝木為槩一人左右運棹捷若

飛行

使馬乘船各慣經
製成舳舻較南輕
只看獨木沿流去
詎用安篷轉舵行
昔日高麗謀不靖
八旗鴨綠濟無聲
波濤一葉渾閒事

神武爭傳間氣生

恭和

御製呼蘭元韻

吉林俗因木之中空者鏤如孤柱樹簷前引炕烟出之上覆荆筐而

虛其旁窾以出烟雨雪不能入此室皆然

居室誰云突不黔高開矮舍用維均砌磚每惜煩
陶氏斲樸今惟付匠人鑿孔朝看烟起直蒙頭暮
任雨淋頻倘疑神在資求福配竈當題居士身

恭和

御製斐闌元韻

吉林皆習弧矢小兒以榆柳為弓曰斐闌刻荆蒿柳條為矢箭雉翟

詩存

卷三

香

雞翎為羽

曰鈕勒

控弦弗費越中絲
雜植輕翎戲用之
聞說桑蓬男
子事儼然志體丈夫為
仰空勢斷征鴻字
試石名
雄乳虎兒敵愾傳家童
幼習技成他日豈虛施

恭和

御製塔兒頭歌元韻

兩山之間積水不流歲久沮洳色如鉄綉國語謂之塞勒

克特木克漢語謂之紅綉水草生其上纍纍成墩國語謂之烏喀達漢語則謂之塔兒頭

有草不遭野火然有水不作通流泉積之萬古永
陳腐似紅似墨相糾牽馬蹄只踏離離草孰知暗

裏藏積潦束葉成隄一線中勉強爭趨愁隘湫凹
者如穴凸如坡陷不可出將奈何長者十里或五
里短者數丈連綿多龍行虎步猶經此忍說凌兢
擇所履不聞折坂險羊腸王尊忠臣非孝子

恭和

御製薩爾濇元韻

薩爾濇山名
界處

本朝與前明分
太宗殲杜松於此

鴻溝分界近山間十萬憑陵一旅艱天授赤符先
定宛師臨白馬遂殲顏紅腥染地痕猶在鐵甲乘
高勢莫攀今日一鞭從下指清秋秀朶點人寰

恭和

御製新月元韻

渡灤兩次逢弦上九月今看景又新碧宇沈寥清
似水白雲淡蕩薄于鱗添衣莫憶風砧遠扈

蹕原多桑梓人徐待銀蟾輝鳳闕羔羊朋酒樂岐
豳

恭和

御製恭謁

永陵元韻

追崇祀禮古今同仁德相承啟豫豐五葉一傳開
宇宙宗潢分派列王公萬山舞鳳屏前後千里來
龍脉正中虔謁不辭勤跋涉十年霜露屋
宸衷

恭和

御製恭謁

福陵元韻

巍巍

聖德載碑亭百世無祧

高廟靈永夜鬼神司禁衛千峰龍象壯門扃天戈
一指清遼海大義終伸炳日星正統到今餘澤遠
橋山瞻拜涕俱零

恭和

御製恭謁

昭陵元韻

如日方升大烈昭指揮形勢壓前朝燕齊師到無
堅壘松杏倬歸只詰朝石馬風雲森仗衛

陵前琢
大白小

白二石馬皆
太宗平日所乘

龍衣佛火護封標

陵前喇嘛寺儲藏宗龍袍一帽一供于佛前 太坂章

式廓符

高帝瞻望

陵園亦不遙

神樹詩

永陵古榆一株枝根葱茂

御製神樹賦命臣等繼和

惟長白之毓秀積千里而蜿蜒瀉珠江之濔森紛
琪瓊以羊綿是以

言不
三
天作其宅

帝卜其延瞻仰川巖見龍形之拱抱攀援

陵樹得美蔭之團欒維彼神榆是生天上矗玉霄
以孤撐沾沆瀣而滋旺移來開運凌虛倒影之奇
託質

寶城布幄揚幡之狀爾其節目間砢根幹曲蟠繁
柯星布密葉雲攢遠望而鬱蔥呈象近覩而葳麗
殊觀朝映丹霞對若木兮三萬里暮承湛露越靈
椿之八千年歲紀開逢

鑿輿涖止溯荒作於岐山實肇基于白水周家豐
畢之原漢室粉榆之祀聳神樹以中立罩

珠宮而敷榮似羽節歲蕤詔鸞鳳使為駢駕儼金
支容裔想

靈爽於茲式憑爰杼

天藻為錫嘉名豈止配封山而隆桑梓抑將昭萬
禩而冠寰瀛

微臣

敬賦兼系以詩曰

維茲

靈兆

聖所居

天皇命植天上榆斗司喉舌衆宿趨畢星洒潤箕
星噓富媪受栽析木區端正妥帖色弗渝娑羅扶
桑參兩隅松楸栝柏前後臚護

紫薇垣中一株可為玉輅運軸樞可為華蓋披流
蘇

列聖陟降心怡愉靈旗閃倏光有無

陵前再遇

舜目矐秋風瑟瑟吹扶疎蒼翠更茂八年初千枝

干霄萬葉舒卜世卜年數其如推祥肖質垂冊書
寶墨薰傳神樹圖

恭和

御製恭賦

太宗所製鹿角椅元韻

山間藏瑞鹿年久說斑龍曾作仙人馭還為
御坐供分岐同陞衛鋪褥藉蒙首創守
身薰日安舒亦恪恭

恭和

言不
卷三
御製出古北口元韻

梯空睥睨劍鏃山綫路縈迴度險關今日車徒行
似砥古來爭戰壘曾殷年年榆柳迎秋

輦處處風泉咽市闌中外一家無一事只因獮狩
試黃間

恭和

御製駐蹕避暑山莊作元韻

灤河如帶遶

皇家瀚海無風靖塞沙正值月恒箕福斂彌殷乾

場

聖心遐成擒頡利稱觴慶入覲呼韓拜禮嘉茲矢
彤弓九命錫

殊恩專待有功加

送周緒楚中允出使琉球

詔書飛賜重洋外容易儒生奉此行受職波臣潛
息浪知詩國相早聞名

天恩浹洽宣詞簡海日鮮新逸興生正

朔候使星遙對兩分明

時都御史何翰
命至準噶爾

詩存卷四

仁和金

德瑛

檢閱

丙子江西入闈日睹錢司寇下邳

句率和

列舍鱗鱗一萬間每因選士啟重關湘簾人在秋
香裏近對東湖遠對山

潯陽郭外渡輕艘引領都人望使雙場屋阿誰誇
小陸分明老眼認西江

新月東升遲報昏磁盆香味貯蘭蓀尚憐秋閨驕

詩存

卷四

一

陽烈妒放涼颺到樹根

衰年自顧髮鬢髻公讌奚煩備體胥得似書牆人
晚節高樓烟雨問湖菱

壁間雜畫蔬果酒尊竹石是坤一于丁卯隨
司寇時游戲也率題長句以代書款

點筆知從啜茗餘客星曾伴使星居遠携彭澤籬
邊酒來采雲卿圃裏蔬蜨夢乍回人已去紗籠同
護願寧虛代題名字存詩券二老風流或繼諸

書題吏

能以書供役堪居府史名
同文循點畫數墨諳去聲
章程此日經闡側常時案牘情
外人勤揣度腕下早分明

鐫字工

豈故災梨棗丁丁響應廊瓜分
惟斷簡瓦合自成章就日毫釐辨
分陰剖剔忙吳剛疑可匹身亦桂
宮旁

印紙工

一斗滿隄糜相看汁染衣
案間聲颯颯簾外紙飛

詩存

卷四

二

飛泥印沙錐似旁行衰上非明朝傳萬目功過竟
誰歸

偶筆

午漏無聲進卷稀巡檐唯睹白雲飛一廚火靜僮
敲枕短桁風輕日上衣堅白欲談龍舌倦硬黃徐
展兔毫揮歐梅亦是嫌岑寂略遣吟心遲夕暉
八月九日對月

前年今夜月隨

駕在吉林松花江清石粲爛一灣佳麗

宮門臨鮮鯉法酒沾勞

賜是處登眺娛人心丹黃窩集卅里二十里日月
弗漏遠覆蒼蒼岑去年今夜月隨

駕在木蘭黃葉白艸深一丈蹄聲款款粘枯殘星
火萬帳崑谷靜冷霧夜濕清光寒兩載短衣騎匹
馬逢秋竟是從戎者拾薪炮鹿共友豪暮算枯棋
弗相捨今年乃向章江見閉置深闌理殘硯勞筋
暫息試輕衫暑氣猶蒸費團扇燭光明滅更鼓傳
階影婀娜花枝亂種植桐桂人歸休長成香葉我

重看壁間淡墨剝幾行憶得菰蒲故人面

謂錢香樹前輩

人去杳無期月還如昔時烏石閩海嶠三日黑颯

騰蛟螭丹崖蓬萊閣萬里明鏡空琉璃

子近歲庚午典試福

建辛未隨木蘭壬申學使山東秋在登州癸酉在濟南甲戌隨吉林乙亥隨木蘭今丙子在江西通

計從前仕籍二十一年在京寓度中秋僅五載耳十載舉頭情態別廣寒

寥迴寧聞知我思周天三百六十度萬古躔次無

改移望舒不停輾轉只陳迹強被天公督促應煩

疲孰如人生踪轍變耳目誕幻到處添驚竒何事

苦搖落往往嗟別離不知明年此夜在何地定然

茲月皎皎與我還相隨

校文次房考葉古梁韻

節令不熱亦不涼檀欒桂影交垂廊想到矮檐身
跼蹐何用擊劍歌慨慷闕如趨市乍分散萬人競
睹眉間黃瓊樓玉宇雲氣護赳赳下界徒窺量寒
窗燈火一千日歎忽天地隨折揚沉沉晝漏布廣
席因彼窾卻施刀芒斯文金玉有定價慎勿自用
誇專長要滋九畹樹百畝必集衆力羅羣芳或苦
謾聞蔬筍腹或侈倚市青紅妝我聞經史貴貫穿

言不
庶令流麗歸端莊卻嗟老矣心目短花霧羃歷幾
迷陽有時緜卷問柳子再三伸覆將毋忘長條漫
勒廬陵帛一瓣敬奉南豐香反覆君篇期鄭重共
際

盛化勦虞唐

疊韻

樓頭鼓角聲悲涼壓肩短屋膚寸廊微吟擁鼻意
酸苦何許知音慨以據豫章詩筆盛宗派溯六一
歐雙井黃後來具眼識文陸維呂與王工測量我

今奉

命凜專責敢曰足高而氣揚篋輿未上廬岳頂早
見牛斗森光芒搜竒擷秀務兼取尺或有短寸有
長紅杏碧桃艷而麗涉江更采秋蘭芳三場弗與
究終始譬睹半面非完妝未流致失制科本入選
往往多色莊輝煌

謨訓久著壁

御製幸貢院詩
敬鐫于中堂屏門

聖人廿一載當陽當年辛苦事亦爾仁者私念猶
難忘但煩篋刮老眼膜弗用夜燃清告香良辰明

詩存

卷四

五

月恰相映娉羅影已敷中唐

闕卷遣興倣義山體三首

層霄樓觀五雲封聽送穿花閨苑鐘映日明塵飛
野馬粘窗故紙困遊蜂牽絲刻木紛呈伎削杖投
陂擬化龍栩栩待醒莊叟夢是非齊後意從容
一曲霓裳艷廣寒有無雞犬共升天欲憑曼倩為
通使恐遇方平卻受鞭繡自舊紋移曲折蠟何甘
味別中邊彩鸞軒在尋遺韻肯謂靈踪遂杳然
月明夜夜長珠胎青鳥無書勿漫猜卅角枉隨徐

市去丹牀好約葛洪來神洲問渡猶前日石髓分
流又此回仙侶長上聲年憐薊子獨摩銅狄一低徊

飈輪

飈輪日月自奔忙兜率應知亦露霜興到神仙乘
羽翼眠來古佛倦津梁駐顏難似揮戈速叱馭思
傳縮地方未解燕鴻同擾擾相逢何語對蒼茫

登雲龍山放鶴亭見黃河北徙

雲龍頭角孤峯崑衆山青翠來相朝黃河猛迅山
亦避獨缺西面容滔滔嵩室汴洛二千里鬱鬱氣

詩存

卷四

六

象連平臯亭中賓主去已古尚許陳迹觀瞻豪彭
城以河作地險一曲東注天然濠惜數萬戶處釜
底恃蟻弗穴金隄牢今秋下矚詫異事可厲可揭
纔容刀始知上游孫家集一夜濤決崩洪濤北山
點點類洲沚田廬多在銀盤均清湖水道被橫截
逆入充濟咸浮飄哀彼征鴻陷中澤羨爾逸鶴翔
空霄古者治河不治運縱令游演存寬饒今須頰
首趨一線甘受約束隨吾曹自南自北兩俱病顧
淮顧運功加勞薪芻木石日增壘但有淤墊無疏

洵逢霖未免輒漲溢經霜不放積潦消當官隱諱
冀苟免涓涓弗塞匪崇朝不然懷柔百神日胡獨
河伯逞其驕俛仰諮詢動悱惻豈為閏九重題饒
明朝驛騎直北去臨流更驗荆山橋

題伏生授經圖

尚書廿八篇其字本不多少誦易強識既老無差
謫齊魯間弟子零落歸止阿巍然一老師坑後未
銷磨古文殊顯易渾靈意則那上下二千載體製
乃同科疑因經傳內逸語勤蒐羅源流既茫昧異

言一
議競操戈獨有伏生書讀者偏聾牙古聖神靈護
訓詁難疵瑕迄今兩廡祀溯始功先河誰于百世
後貌此髮皤皤耄年勤好學後進當如何

恭和

御製和錢

陳羣

田園雜興十首韻

雞黍比鄰聽頌聲石湖體格十篇成閑居欲述昇
平象不覺農情筆下生

如繡春光臘裏催江山有約

睿懷開待揮函蓋乾坤句可少廢颺老手來

五年養疴息荆柴幾度篇章進

御來感激

聖人知己極名心到老不曾灰

硯田結習久忘勞韓杜佳如癢處搔報與驪珠三
百顆心花更發武陵桃

千金圩裏稻分畦桑柘陰陰護隴肥好語想從携
杖得朝煙初出晚烟歸

莫將農圃誚樊遲風雅由來寄興微聞道

蠲租又

巡幸喧呼

恩詔日邊飛

雖知止足素清寒
返跡邱園覺影單
兒女牽衣今
笑舞

恩從詩裏得來寬

特命在家
食侍郎俸

懷瓘評書試估錢
風規尤妙在山年
傳家素業鄉
閭式有子仍依

兜率天

梅花初放柳枝低
指日江淮逐

六飛奉得

和章吟萬過峭帆穿破碧波圍

昔共朝回翦韭菘傾心公瑾飲醇醲附書問信春
齋好

奎墨新偕壽佛供

題周東阜編修遺像 東阜以癸酉冬請假

省親遊金山登舟無疾而逝其子孝廉 震榮

請題

成佛生天信有諸玉堂冷落五車書一生志行遠

詩存

卷四

九

遽夢直筆留彰諸草廬

卷前有諸草廬宮贊所作傳

憶別京華笑語曾空瞻玉貌骨峻增卷中無限佳
兒泪船過金山弗忍登

題澄懷八友圖

鐘鼎山林各為友兩欲兼之天所否誰謂清華講
學臣自然勝地落吾手

皇家毓德開東序慎選名賢相左右猶于退食界
安便賜與芳園餘百畝曲池魚鳥樂主賓別院燈
光照窗牖穿花禁漏聽分明過夏香風透菱藕路

旁車馬自喧闐塵飛不到萬株柳記得從前我寓
居風光已是廿年久未着丹青寫顏面默數同人
在斯某而今剝啄訪諸君品畫聽琴事只偶國有
遊觀古不廢能豁聰明去胸垢談經治事意氣生
豈似轅駒局趣走圖裏原非縱逸儔莫比米顛雅
集流不朽

恭和

御製賦得文本八韻

上方藏異植

睿藻錫嘉名大樸母煩斷天然自保貞紋袞看細
細指叩聽聲聲腐後神奇出攀來銖兩輕脂空蟲
不蠹節監竅還生漫計十年樹真餘千載情疏難
尋爾雅賦或擬蘭成水蹙山連似令人到眼驚

丁丑會闈擬作

欽命詩題賦得循名責實

得田字五言八韻

名實期相副如農務力田須知勤播種始許兆豐
年岡植梧桐秀文居雁雉先

綸音千里至絲網暮春牽美悅徒矜飾朝華定謝

妍按之中有物信矣愛斯傳如水心方淨當空鑑
共懸得人

王國慶五色望雲天

題同年吳冠山洗竹圖

綠霧侵衣濕灘聲遶閣寒往年曾寄宿遜爾獨清
安課僕修筒急當晴作雨看
不貪千畝富多汲事
應難

恭和

御製大西門樓前較射命哈薩克使臣同觀元韻

四首

龍樓貝闕對蒼山，爽入千官劍珮間。自曉問

安雲纓，隼臨風引滿地。寬閒劉鋹久作降王長。

謂達

瓦昧蔡新依衛士班，聞說射生雖夙習。六鈞氣懾敢輕彎。

冠絕沾

賜訝郎當扈從多時望

赭黃

使臣在圍

場侍回京

乍覩開弦如激電，纔知禁藥是長

楊有情便具尊親志，絕域來瞻雲日光。何物稽誅

遁化外負恩心更野于狼

阿睦爾撒納
叛入俄羅斯

南國重洋效祝嵩

時琉球
入貢

流沙萬里復來同但移

首着堪肥馬真是天山可挂弓
草偃窟難藏狡兔
星飛矢已貫孤熊

至尊遊藝尋常事嘖嘖私驚頌化工

塞秋冰雪折榆鞭訝此風和似夏前
畫鵠近聯紅
葉樹驚鴻遙墮然薇天心儀霄漢歸

真主身到華胥樂福田
邃古不聞通禹甸
龍媒牽
貢自年年

題陶韋齋從姑山讀書圖送其之任廣靈
切雲雙髻秀傾城隔水亭亭與目成出郭易尋誅
草地聽松常亂讀書聲幾旬霧雨文章潤千室邊
關俗化更倘遇登臨懷故土出山泉似在山清

奉

勅詠側理紙

紙理側生渾成如
環無斷續之迹

金縷鴉青未足云傳名側理晉初聞瑣窗映日離
離現睨目遊絲宛宛分魚尾衍波無定態柳綿散
舞有空紋前身想入元虛賦繁采揚華問爾羣

逢時賞鑑賦

矢章辟蠹千年發古香
紫頰懸針徐透背烏絲直
畫似移行循環吐繭端
倪隱瑩淨凝脂表裏光
一幅淋漓揮不盡更留完素與珍藏

杜補堂太守于癸酉自杭州調任河間有西湖送別圖求補題

太守昔日渡江來若耶父老猶低徊
三千里外瀛洲去容易輕舸便登路
衣冠輿馬何喧闐柳陰萬衆心茫然
縱使石尤風力猛挽回造化終無權
千

頃玻璃藕紅白，怜他歌管成離席。勤殊方外尚多情，
情況爾身家並蒙澤。我因遊宦欠送行，目雖未擊
耳能傾。偏于畿輔驅車日，披襟歛衽相逢迎。白須
紅頰圖中有看容，未覺年華久飛書。慰藉故鄉民
愷悌，君子臧而壽豪情似昔吐清芬。舒卷時懷鷺
嶺雲，料得紗籠湖上句譜成漁唱月中聞。

河間府署校射用杜太守途次舊韻

那是毛公里春停，使者車荷風懷別日。穀雨記逢
初屢展紅牋，句來繡黃石。書哀顏慚少俊，好勇競

過子

所喜因公聚當衙對日曛香清森戟寢客踏護堦
雲槐長庭陰古花飛吟思紛傳家知律細重張少
陵軍

和友人津門雜占韻四首

紆驛來津道長亭斥埃稀新葭依淀遠野燕掠田
飛午氣熏成倦王程促似歸依然扃戶坐晨夕對
清暉

旅服十年外分明亦壯遊暖風今入夏潮勢昔驚

秋城轉東南角人看第一流魚鱗波隱隱烟水到

門收

學署對南門
前有滙水

覓句翻紅藥聽鶯老綠楊空庭方受月薄城乍疑
霜卷裏蠅書積窗間兔穎忙應思辛苦地莫漫下

雌黃

地盛誇都會豪華興不孤錐刀爭末利絲管艷羣
奴近海腥風入來南碧醞沽誰知恬澹者團茗瀹
磁壺

灤州偏涼汀

巒頭攢列松青青苔石散點蒼蒼屏迤邐一徑遵
麓出歛見漁網拋清泠綠崖三層與架構一重一
掩疏而明客來解帶欲逃暑况有几榻當虛櫺灑
流千折此洄洑水族樂所思潛形孰知名累巧鉤
致早擬烹淪徵圖經

志書鯉鯽出偏涼汀大而佳

臨風浩蕩動

七箸碧波揉宕觥中醺隔河嵐氣飛欲入無數烟
樹迷遙汀憶扈

萬乘巡吉林八千里路揚鸞鈴歸來榆關僕馬倦
越趨未到臣心銘今日之日償夙願五六人偕四

詩存

卷四

五

事并前岡徐與轉征旆不待夕月相瓏玲山川雖
美豈吾土遮莫人遊各自情

永平府試院古松

永平試院居山椒古松拔地勢特高尋常扃鐺人
弗見雨滋露長精神饒使者到必五六月一望濃
翠中煩消窗前細細數鱗鬣屋脊裊裊浮針毛蝥
然足音空谷喜有情邂逅疑為招深巖古寺豈無
類偃蹇祇伴僧與樵是間介處喧寂境能遠市井
非窮均人來拖蔭淡炎赫風至引韻依晨宵親之

疎之兩不與獨自兀立何脩脩蟠根受命葆貞固
想壓冰雪氣反煬譬諸君子善處世清濁任遇難
澄撓工師野斧絕睥睨月明鸞鶴斯來巢長為
盛世文字瑞鈞天和答諧簫韶日者重陰苦淒雨
白紵卻御添褚袍似行秋令非夏侯趁晚乾鵲鳴
其梢對君豈憚張火傘翻喜舞影翔虬蛟

夷齊廟

清風臺尚在孤竹國誰傳受命君親定空山仁義
全灤河干折下松柏萬枝堅如遂西岐養於心諒

泯然

人已兩非友，孤行得所歸。
誰無百里國，絕少一山薇。
道合風斯遠，天清雲自飛。
田疇呼欲出，庶立爾其希。

永平山水清美文武士材秀出幕中譚次聊
輯成篇

永平自是清涼國，六月火輪燒不得。
伏中一日乍如薰，旋起松風雲影墨。
古蘆龍塞意荒涼，到眼山水如江鄉。
崔嵬却作坡陀伏，梨栗暗帶烟霞蒼。
山

海關門二百里來者偕前去無止高驪冠帶歲趨
朝吉林魚鹿冬成市安於衽席近於郊

國家威德今如此蹶張超距各矜雄染翰渙渙舒
清風武氣似山文似水天人類合將毋同一城俯
瞰灤河曲一葉橫斜渡頭綠迎風嘯月待何時但
指此中好水族書生說食心亦足

永平七夕

平添一駕渡銀河黃黑中分道幾何偶值下簾人
語好周天原自客星多

讀閒居賦

宦情巧拙細為分養志須知在守身乾沒到頭成
大負版輿安否太夫人

九日

尚堪拋力上崢嶸小院深深試脚行市朝多少車
輿客等說黃花不出城

心折藍田絕妙辭登山無計好藏詩一日淵明滿
人世掉頭爭解向東籬

新例試詩以人情皆向菊為題

保定守王蔗村餉龍井茶賦謝

燕歌酒市昔晨昏佳茗如交淡益敦餉我徐徐澆
鈍舌期君款款出清言一烹秋水旗槍小尚覺春
雲態度存出處分明鄉井是滿山黃葉杳無痕

品茶如樂廢淫哇厚膩紛陳性未諧

試院多供武
夷性不甚喜

白水入煎存本色松風發響到空齋晚香堪薦人
如菊妄夢先祛火化槐久矣仲寧交欲絕玉蟲花
照一甌借

題楊忠愍公疏稿墨蹟卷後

歷歷疏千言言言弗可刊上方誰請劍郎署欲侵

官西市甘刑易朝衣坐炭難忠魂猶髣髴白日卷
中寒

九月望同人對月

月豈與人事中宵輒動心無聲萬戶曉貯水一庭
深遊眺湖山路清商斷續砧不堪霜信到情話趁
而今

題蔗村春江歸釣圖

汙汙赴海波澹澹垂綸影少時樂不知老去思引
領當年樹槐堂專愛明瑟境千章林木秀萬帙牙

籤整欵乃聽經過延緣類招請從宦走燕晉障面
萬山嶺餘皇飽蒲帆挂甯或俄頃不如安穩流泛
此一舸艤無心直作鉤有得天之幸庶幾食舊德
明發中耿耿時異季鷹尊願逐歐陽穎裴島接張
溪吾躬亦當省

蔗村九月望舉第六子喜形于詩因次韻以
助湯餅之歡

晚香愛黃花宦境葆貞吉桑榆長子孫願與宜家
室老桂還添枝芳蘭新露茁瀛洲列仙居伯也先

占一待舉湯餅筵留待南陔日和氣致嘉祥好語
出歡悅秋望月如珠年干虎同物食牛氣定雄跨
竈情甘劣雙瞳剪水光映字之無別清華冠江左
七葉興勃勃到今春江門依舊青箱帙遲余偕乃
翁呼汝訊佔畢

王衣闌庶常復為予致龍井茶數器疊吉字
韻報之

求盈古所戒守謙爻最吉不禁貪得情頗似暴富
室磊落瓶中珍鮮嫩雨前茁紀羣均素心何詞卻

其一鼎迎北牖風吸近南榮日味清懷好開色白
香可悅自問澹蕩人檢點無長物惟茲未蠲除差
覺道根劣雪芽與水脚烹嚼強分別坡詩吟哦工
蔡錄臨寫勃相於環堵中剖析蠅字帙彼哉嗜好
殊乃效甕間畢

望都縣

訟庭衙鼓不聞聲官事匆匆為送迎二十八家成
縣治路人笑指望都城

登龍興寺閣

閣峻佛尤尊超然不可羣人天一手接燕趙兩跌
分鴿渺金光頂蓮飛玉井雲滹沱千雉外水月落
空紋

赴藥城道中

七載風雲往復還光陰詎放客身閑舉鞭且向東
南去不忍多看獲鹿山

謂張雪子

張子商言及十二弟玉林課文戲拈

硯欲成凹筆退尖清流資格古來嚴憐渠跋扈三
分者猶重區區察孝廉

白傅詞科傳幾策孫奉精騎用無多欲罷揣摩從
卜式其如辛苦牧羊何

制硯歌贈陸蒲塘孝廉

書生硯田苦耕耘田之授受由他人蒲塘乃欲創
物始月斧自闢蒼雲根渾然元圭質素璞疆場凹
凸逐手分平留掌面蕉葉色細出鐘鼎雷回紋零
星小石逞游戲一滴滉漾珠含脣晴窗曉日光鮮
新高吟騷雅追皇墳袖間無聲運削斤淵淵古氣
相氤氳鍾王韓杜未落紙隱約逗露先天文囊中

蓄得端溪品相戒不許俗手捫每愛青花浮荇藻
恰遇妙斲鐫瑛琨餘工試與遣暇隙譬運重甃連
朝昏文章已出戒剽竊制器那用躬辛勤知君寓
意弗苟且詩筆掃盡窠臼陳硯成獨許享其逸此
田屬我長子孫

蒲塘和答因疊前韻

石田無用莫耕耘誰其資者吾輩人筆為耰鋤墨
春碓幽探月窟窮天根石有品目上中下古硯譜
載須平分鸚之鵠之光欲活犀嫵彪嫵眉舒紋七

星巖腹散雲片幽泉灌注微留脣年深縫出蕉葉
新菁華搜竭如空墳粵子妄詡成風斤龍鳳花草
徒氤氳莆塘迨爾臻妙解十指拂拂流斯文因其
面勢加斲削脫胎古異人爭捫點化凡瓦堪愛旣
何況美質同瑤琨皮膚剥去光澤露未雨已覺蒼
然昏心巧自得匪師授操刀仿舊嗤太勤悟彼著
履能幾兩今獲佳製毋多陳况君別具摩天刃才
多本是平原孫

觀劇六絕句李生載菴將重出塞省其尊人

觀察公于黑龍江戍所值演尋親之齣悶默
起旋席間感之而作也

旅舍焉知彼此親中宵訴出轉傷神賴是一羶相
慰藉風餐草宿遇何因

意外能留客况安多年豁達露心肝古今信有孫
賓石正史彈詞且例看

抖擻都忘夜漏深青燈照出鶴鳴陰流離只在中
原地險阻多岐尚易尋

換羽移宮燭旋敲老伶刻意尚遲遲那識轉喉偏

觸諱有人暗淚落多時

葉本團枝老脫柯且圖覲面慰蹉跎閉門橫逆猶
難料況是風濤宦海多

人世悲歡事每齊白頭何日赦金雞定然此齣成
先兆者進榆關八馬蹄

桃源

主人耕作客人漁說向先秦愴恍餘好是碧溪紅
樹裏不傳數卷未焚書

曉憩圓津菴示燦一上人

詩存

卷四

三

蘭若真成大道邊，輿間遙望已蒼然。
門迎曉日僧初起，葉落寒霜樹不圓。
來去今中多著句，馬牛風外一逃禪。
漸南地氣溫和到，翠竹當階問有年。

百年結構踵前人，及此攀躋宛轉新。
一炷佛香常入座，四圍野色不知鄰。
雖然南北無岐路，或者晨昏有問津。
送客遠公當自笑，三衣可信弗沾塵。

邯鄲呂仙祠

幻境貪嗔似可憐，玉京鸞鶴亦虛傳。
若為度置千磁枕，隨意來人慰目前。

春帖子詞

梅竹舒芳苑椒花簇錦屏萬方齊獻壽歡意奉
慈寧

太液波融暖條風達

紫微農祥占歲稔六出看紛飛

萬里宣威捷若風牽犀獻甕職方同好憑立本丹
青手一一添圖

王會中

遙邊索岳共春臺擁篲先期

言
六
三
輦道開耆老重誇遭際盛

仁皇巡後

聖人來

青旂晻靄迓東郊太簇旋宮天地交
人化和鳴齊應泰初交

河漳南朔永安流府事修和賴

睿謀馳傳

小臣

親屬耳兩岐連穎采風謳